

# kontuola

**KONTUOLA, Idolaz elkarte, ANTZUOLA. Kazetaria:** Marijo Deogracias eta Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 66. zenbakia. 2000ko urriaren 20a.*

## Elkartasun eguna ANELKAR Gobernuz Kanpoko erakundeari esker

Urriaren 28an egingo da Hirugarren Munduari laguntzeko jai eguna

Urriaren 28an, zapatuan, herriko pilotalekuan, Hirugarren Munduarekiko elkartasun festa ospatuko da, Antzuolako Elkartasun Taldeak -ANELKAR- antolatuta. Badira urte batzuk ANELKAR elkartasun festak antolatzen ari dela, baina aurten festa hau herriko jaietatik kanpo antolatuko dute.

**E**lkartasun festa tortila lehiaketaren ondoren hasiko da, arratsaldeko 18:00etan, meriendatxo batekin. Meriendarako ANELKAREk gonbita egin du jendeak nahi duena eraman dezan: kafea, txokolatea, pastak, etab... Honekin herritarrek parte hartzera eta inplikatzera animatu nahi ditu.

Txokolatadarekin batera, kanpo zorraren inguruan mahai bat jarriko da; bertan, sinadurak jaso eta informazioa lortzeko modua egongo da. Bidezko merkataritzako saltokiak ere egongo dira. ANELKAREkoen hitzetan "bidezko merkataritza dirua eman beharrean lana emateko modu bat da, honen bidez Hirugarren Mundukoek enpresak sortzen laguntzen ahalegintzen gara, ez dadila karitatea izan. Soilik dirua ematean dudak agertzen dira eta, geure buruari galdetzen diogu: iritsiko ote da nik ematen dudana dirua Hirugarren Munduraino? Bidezko merkataritzarekin produktua erosten duzu, azukarra edo kafea, bitartekaritza gutxiago dago, eta dudak hauek argitu egiten dira. Bidezko merkataritzaren denda nagusia Arrasaten dago, Hiper Eroskin, hain zuzen ere".

Arratsaldeko 18:30ean, musikarekin alaituko du elkartasun festa *Duo*



*Bidezko merkataritza izango da nagusi herriko pilotalekuan.*

*Plaentxik.* Talde honek Hego Amerikako musika jotzen du, rantxerak batez ere.

Elkartasun festa baino lehenago, urriaren 25ean, hitzaldia egingo da kanpo zorrari buruz. Hizlaria Beñat Arzadun izango da, Arrasateko Harreman Gobernu Kanpoko Erakundeko kidea.

### ELKARTASUN BEREZIA

ANELKAREN esanetan azken urte hauetan Hirugarren Munduaren inguruan zen-

tratu dira batez ere elkartasun festak. Herrian badago harreman berezi bat Brasilekin eta bertan dagoen Juan Antonio misiolari antzuolarrarekin. Brasiletik Antzuolako herria eskertu nahi izan dute behin baino gehiagotan, jaso den diru laguntza guztiagatik. ANELKAREkoek diotenez, beraien helburu nagusiak "kalte-tuek dauzkaten arazo larriei laguntza ematea eta sentsibilizazio lanak egitea da". ■

Dirua eman beharrean lana emateko modu bat da bidezko merkataritza



# Futboleko gazteek ere hasi dute liga

**Azkenengo** Kontuolan talde nagusia eta nesken taldea aurkeztu eta gero, oraingoan gaztetxoenen txanda da.

Gazte mailan, Bergarako David Lopez de Abetxuko da entrenatzailea. Taldekiak aldiz: Ibai Zabala, Ion Ander Castro, Xiker Iparragirre, Egoitz Mendia, Aritz Alonso, Jose Rodriguez, Aritz Saidi,

Sergio Outeriño, Gorka Iglesias, Eneko Zabaleta, Gotzon Zabalo, Ion Gurutz Godoy, Javier Peñalba, Erik Lizarralde, Aitor Blanco, Iosu Segurola, Ieltxu Mendizabal, Mikel Bargiela, Iosu Zubikarai eta Ion Iturbe.

Kadete mailan, Jose Angel Fernandez eta Gurutz Madariaga dira entrena-

tzaileak eta jokalariek: Daniel Garcia, Aritz Elorza, Hodei Aranguren, Ekaitz Olalde, Iñaki Arbulu, Kepa Igarza, Aitor Godoy, Mikel Idiakez, Luis Franco, Josu Asensio, Endika Iturbe, Txomin Alberdi, Auritz Guridi, Ibon Urzelai, Unai Madariaga, Xabin Muruamendaraz eta Ohian Gezalaga.



AKEko gazteen futbol taldea.



AKEko gaztetxoenek, bi entrenatzaile dituzte.

## UDA OSTEKO LEHEN OSOKO BILKURA



**Urriaren 5ean**, eguenean, arratsaldeko 19:00etan, Udaletxeko batzar aretoan uda osteko lehen osoko bilkura egin zen. Besteak beste, udalbatzar honetan 1999ko udal errolda, bideen lanak, errekaren desbideratzea, udaletxearen sarrera eta aretoa pintatzea, eta beste hainbat gai izan zituzten eztabaidagai.

Igor eta Txomin



Margoak orokorrean

ANTZUOLA BERGARA  
609 157 131 609 150 164

**GOROSTI**  
**Taberna**

☎ 943 76 62 96  
Zurrategi plaza ANTZUOLA



Jose Gomez  
Abad

Errekalde 6, 4-B. Antzuola  
943 76 60 19  
943 76 60 43

**AITZ-GARBI**



taberna  
jatetxea

Pintxoak eta kazuelatxoak.  
Bazkariak eta afariak

Kalebarren 15. Tf. 943 78 70 51





Urriaren 3an aurkeztu ziren "Zaharkinak" en fitxak.

## "Zaharkinak" proiektua amaitu dute Aranzadikoek

**Urriaren 3an**, Aranzadi elkarteko Fermin Leizaola eta Josu Tellabide etnologoek Zaharkinak proiektuaren klasifikazioa eta fitxategia aurkeztu zituzten udaletxean. Fitxak aurkezteko ekitaldian, diapositiba bidez herriko baserrietan jasotako piezak erakutsi zituzten.

Fitxak oso osatuak dira: udalerria, gauzaren izena, gaia, non eginga dagoen, bere neurriak, erabilera, egoera (zein egoeratan jaso zuten), jabea eta baserriaren izena jasotzen dute, besteak beste. Zaharkinak erakusketa, maiatzaren 20an inauguratu zen eta 15 egunez herriko pilotalekuan ikusteko aukera izan genuen. Aranzadi elkarteko hitzetan "hilabeteetan luzatu zen lana. Baserriarekin eta udaletxeko agintariekin egon ondoren, 11 neska asteburuetan baserri-baserri aritu ziren lanabes eta intereseko gauzen bila eta klasifikazioa egiten. Udaletxeko langileen laguntzaz

piezak jaso, garbitu, eta txukundu egin ziren. Denera, 1.500 pieza jaso zituzten, horien artean argazkiak, garbiketarako tresnak, lanerako piezak, kutxak, plantxak, erlijio kuttunak, zeramika tradizionaleko ontziak, argizaiolak, uztarriak, abarkak egiteko plantilak... Pieza hauek errespetatu egin behar dira, baita ahal bada mantendu, kontserbatu eta zabaldu ere".

Erakusketa 2.235 lagunek ikusi zuten eta iritzia jasotzeko kuaderno bat jarri zen. Baina euren ustez "lan hau ezin daiteke erakusketa batean bukatu, hurrengo gizaldiek, lana ikusi eta ikertu nahi badute, fitxa hauek egin behar dira. Transmisio era egokia dela deritzogu". Gainera bilketa, klasifikazioa, erakusketa eta fitxak orain egin behar da, hemendik 50 urtera ezinezkoa izango delako". Fitxategia interesa duzen denontzat udaletxeko artxiboan gordeta duzue.

### TORTILA LEHIAKETA

Urriaren 28an, zapatuan, arratsaldeko 16:30ean Herriko plazan, tortila lehiaketa egingo da. Taldeak gutxienez 4 laguneokoa izango dira, eta bi taldetan banatuko dira mailak: A taldean 5. eta 6. mailakoak, eta B taldean, DBH 1 eta 2koak. Lehiaketaren baldintzak hauek dira: talde bakoitzak tortila bat bakarrik egingo du. Dena bertan egin behar da, 16:30ean hasita. Tresnak eta osagaiak talde bakoitzak ekarriko ditu, eta talde bakoitzari 2.000 pezeta emango zaio gastuetarako.

### ARTISAUTZA ERAKUSKETA

Bergarakoa izan arren, bada denboratxo bat Jose Ramon Aiausti Antzuolan bizi dela. Bera eta bere neskalaguna, Manuela, artisautzan aritzen dira eta datorren domekan, urriaren 22an, Ordiziako artisautza feriara doaz, euren lore-sikuak erakustera. Lorez gain, altzariak, egurra landu eta umeendako jolasak ere egiten dituzte. Domeka honetan Ordiziara badoaz ere, ez dira hor geldituko eta hurrengo, Gernikako astelehenero feria nagusira joango dira eta baita Truziozera ere; izan ere, guztira zortzi herritatik deitu diete. Euren asmoa artisautzatik bizitzea da eta proba egin ondoren, ondo baldin badoakie jarraitzeko asmoa daukate. Zorte on!



**MUEBLES  
IGEA**

Zurrategi plaza 4, behea ANTZUOLA Tf. eta faxa 943 78 71 80

Sukalderako eta  
bainurako altzariak  
Altzari rustikoetan  
espezializatuak

**LARREA**

**TABERNA**

Kalebarren 17  
ANTZUOLA



# Udaletxean fresko bat pintatuko da

Lehiaketa bidez aukeratuko da nork margotuko duen udaletxeko horma

Antzuolako udaletxea zaharberritzeko azken lan garrantzitsuak 80ko hamarkadaren hasieran egin ziren. Ia bi hamarkada iragan dira eta sarrera hormak eta sabaia, eskailera eta kupula, berritzeko premia dagoela antzeman daiteke.

Lan hauek osatzearren, Antzuolako Udalak erdiguneko eskaileraren horma nagusian lan artistiko bat egiteko lehiaketa deitu du. Lan artistiko hauekin gaur egungo estiloa eman nahi diote udal ordezkariak udaletxeari toki jakin horretan.

## OINARRIAK

Obra piktorikoak, gutxienez aurreko hormako erdialdeko erronboa hartu behar du. Lan hau, "fresko" teknika erabiltzea egin behar da, hau da, horman bertan egin behar da eta obraren motibokak Antzuolako herriarekin lotuta egon behar du.

Parte-hartzaileek egin beharreko proiektua aurkeztu behar dute udaletxean, eta edozein prozedura eta tamaina onartzen da. Gainera, lanari buruzko azalpen txostena ere gaineratu ahal daiteke eta egindako obraren adibideak azaldu behar dira argazki edo diapositiba bidez. Lanak egilearen azalpenik gabe eta lelo baten pean aurkeztu behar dira. Lanari gaineratuko zaion gutunazal itxi batean lehiatzailearen datu pertsonalak jakinaraziko dira eta NAREN fotokopia sartu behar da. Gutunazalaren kanpoaldean aurkeztutako lanaren leloa baino ez da adieraziko.

Proiektuak 2000ko abenduaren 11ko eguerdiko 12:00ak baino lehen aurkeztu behar dira, udaletxean. Proiektuak Antzuolako Udalaren osoko



*Udaletxe barruko horman (beheko irudian) egingo da margolana.*



500.000 pezetako saria izango da eta horretaz gain behar dena, udalak jarriko du

bilkura aretoan jarriko dira jendaurrean 2000ko abenduaren 29tik hilabete bereko 31a arte.

Epaimahaiak erabakia 2001eko urtarilaren 12an jakinaraziko du.

## SARIA

Saria 500.000 pezetakoa izango da. Denak dela, bidezko irizten dituen akzesitak ezarri ahal izango ditu, beti ere inolako sari ekonomikorik gabe. ■

**zabalo**  
IGELTSEROTZA  
Jose Luis Zabalo  
Birgaitzeak • Fatxadak  
Teilatuak • Sukalde eta bainu gelak  
Kalegoi 9, 1a., ANTZUOLA. Tf. 943 76 60 89

**Arih**  
  
JATETXEA  
Euskal sukaldaritza  
Eguneko menua  
Kalebarren 7, ANTZUOLA Tf. 943 78 71 12

**LEKU-BERRI MERENDEROA**  
Janariak eta edariak  
Tf. 943 76 60 94